

EGT-C-BDO

बर' / BODO
(मावथारनो गोनां) / (COMPULSORY)

सम थिखानाय : थाम घन्टा
Time Allowed : **Three Hours**

गासै नाम्बार : 300
Maximum Marks : 300

सोंथि बिलाइनि थिखानाय बिथोन

सोंथि बिलाइखी फिननायनि सिगां गाहायाव होनाय बिथोनखी मोजाई फराय :

गासैबो सोंथिनि फिननाय हो ।

फिननायनि नाम्बारा सोंथिनि उनाव होखानाय दं ।

फिननायखी बर' (देवनागरि हांखो) रावजो आरो सोंथि बादियै हो ।

सोदोबनि थिखानाय बायदियै फिन आरो जुदि सोंथि बायदियै फिननाया गुसुं एबा गौलाव जावो अब्ला नाम्बारखी दाननाय जागोन ।

फिन बिलाइनि आगसिथिं बिलाइयाव थानाय लांदां बिलाइखी मोजाई दाननानै होनांगोन ।

Question Paper Specific Instructions

Please read each of the following instructions carefully before attempting questions :

All questions are to be attempted.

The number of marks carried by a question / part is indicated against it.

*Answers must be written in **BODO** (Devanagari script) unless otherwise directed in the question.*

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

EGT-C-BDO

Q1. गाहायाव होनाय आयदानि सायाव जायखिजाया मोनसेनि रनसाय 600 सोदोबजों लिर : 100

- (a) फोरजाखान्थि (गनखान्थि) याव न्यायफालिकानि (Judiciary) बिफाव
- (b) आबहावबा आरी गावसुंथा (Self-reliance)
- (c) मुलुकनाडारि (Globalization) याव रावनि बिफाव
- (d) भारतारि रांखान्थिआरो बेनि मोगा-मोगि

Q2. गाहायाव होनाय खोन्दोखौ मोजाडै फराय आरो उनाव होनाय सोंथिफोरखौ रोखा, गेबें आरो रोजोब रावजों फिन हो : 12×5=60

भुमनि नोजोरा गान्धीजीनि फार्से बोखथाब जादोंमोन मानोना बियो जुनार गोहोनि बदलै गोसोनि बोलोखौ हाथियार महरै बाहायजेन्दोंमोन आरो थेंख आरो मेसिन गानफोरजों मोगा-मोगि जुजिनो थाखाय अहिंसानि मदद लादोंमोन । नाथाइ साननांगौ खोथाया बेसो दि अहिंसानि मदद बियो मानो लादोंमोन ? हिंसानि मददजों, बियो भारत हादरखौ बृटिशफोरनिफ्राय उदां खालामनो हानाय नडामोन ने ? नडाबा, सुबुं-समाजनो बियो गिथान होनो सान्दोंमोन दि जेब्लासिम जुनार गोहोखौ मानसिया बाहायगोन अब्लासिम बिसोरी सुबुं बुंनानै लानायनि मोनथाइ थानाय नडा । गिबि बाथ्राया जादों अहिंसाखौ लोरबां आरो राहागोथे सुबुंनि हाथियार होननानै, जायनि ओंथिया जेब्ला जोंहा थेंख गैया अब्ला जों अहिंसाखौ आजावयो । नाथाइ गुबुन बाथ्राया जाबाय अहिंसाखौ सुबुं जौगानायनि गुदि बुंनाय जायो; बेयो मानसिखौ गोगो जानायाव हेफाजाब होयो ।

बेयो थार दि गान्धीजीनि दैदेननायाब जेब्ला भारतारिफोरा इराजजों दावहा नांबाय थादोंमोन, बिसोरनि गोबांसिननि बुंथिया जादों अहिंसाया मोनसे हाथियार जायखौगोखै आजावजादोंमोन मानोना भारतारिफोरा बृटिशफोरजों दावहा नांनो थाखाय हिंसायारि हाथियारनि खाबु एबा सम्पद गैयामोन । नाथाइ गान्धीजीआ बिदि साननायखौ मानियामोन । अहिंसाखौ एंगारनानै भारतनि उदांसि मोननायनि फार्से गान्धीजीआ लोब्बा नडामोन ।

भारत हादरनि उदांसि लुबैनाया मोनसे गेदेर थांखिमोन नाथाइ बेनिबो बांसिन गेदेर थांखिया सुबुं आखुथायाव सोलायनाय लाबोनायासो मोन । सुबुंखौ फोथाय होनो थाखाय जे थांखिखौ बियो जुनार गोहोजों जाफुंहोनो हायो बे थांखिखौनो सुबुंथि बेसेनजोंबो जाफुंहोनो हायो । गान्धीजीनि गुबै थांखिया गावनि हादरनि सुबुंफोरनि दुखु-खस्थखौ फाहामनायल' नडामोन, सुबुं माहारिनि गेजेराव जुनार आखुखौ होबथानायाबोमोन । मुगैनाय, रागाजोंनाय आरो गोखों आबेग (Passion) फोरखौ

खालि जुनारफोरनि गेजेरावल' मोननो हायो आरो जुनारफोरा बेफोर बादि आबेगजों गावसोरनि बेरेखा हानजाजों मोगा-मोगि जायो । नाथाइ सुबुडा जुनारफोरनिफ्राइ जुदा, बेनिखायनो, बियो गावनि आबेगखौ दबथायनाया गोनांथार आरो गावनि सामफ्रोमबो जिउनि जेंना-जेंसिफोरखौ सुसानो थाखाय गावनियाव थानाय गासै सम्पदफोरखौ बाहायनानै लायो, जायफोरखौ जुनारनि गेजेराव मोननो थाडा, नाथाइ सुबुं माहारिनि गेजेरावल' मोननो हायो । सॉलु फैयो दि गान्धीजीआ बेबादि थिराथायाव मानो फैया ? आरो अहिंसानि बाहायथायखौ जायखिजाया गुबुन हादराव जागायजेनालासे भारत हादरावल' मानो जागायखो ? गोबां मानसियानो बेसॉंथिनि फिनखौ ऐरै बुंनानै एरायनो नाजागोन दि बेयो जाफलांनाय (By chance) बाथ्रामोन । नाथाइ जाफलांनाय बाथ्रा बेयो नडामोन । बुंनायमोन दि, सत्याग्रह आरो disobedience खौ मुंदांखा आमेरिकानि सानथौगिरि Thoreau आरो रासियानि पण्डित आरो गेदेमा थुनलाइगिरि Tolstoy मोनहा जोनोम होदोंमोन, बेनि बागै माखासे सुदं' बुंथिनायबो मोननो हायो । गान्धीजीआ थुरो आरो टलस्टय, सानैनि सानथौखौ मिथियोमोन । गावनि हादरावनो गान्धीजीनि आगु अरबिन्दुआ Civil Disobedience आरो हेफाजाव होयै सोमावसारनाय आदनखौ हादराव लाबोखाबायमोन । बेनि बाहायथाया बयनिखुइ सिगां भारत हादराव मानो खालामनाय जाखो ?

फिन्नाया रोखा दि गोसोनि बोलोआ देहायारि बोलोनिखुइ साबसिन, बे सैथोखौ जेसेबां भारतारिफोरा मिथिगौमोन, बेसेबां गुबुन हादरानि मानसिफोरा मिथियामोन । थुरो, टलस्टय एबा एमारसन आरो Romian Rolland मोननि गेजेराव बेबादि सानथौवा जेब्ला जागायदोंमोन, अब्ला बिसोरनि गेजेराव भारतारिसानथौवा नाहैदोंमोन । Civil Disobedience सानथौसिम दावगा लांनायनि आदबा बे भारत हादरावनो दंखायोमोन आरो बे सानथौसिम बेबादि सुबुडा आवगायलांनो हायो जाय सुबुडा भारतारि सानस्रिनि गोहोम मोननाय नडाबा बेबादि साननाय हनाय जेराव भारतारि सानस्रि खान्थिजों सोमोन्दो दड । थुरो आरो टलस्टय मोननि सोमोन्दोयाव सानैजों सोलाय सल जानो हायो । अरबिन्दुनि बेलायाव, बुंनो हायो, बिथो थारै सासे भारतारि सुबुं ।

- | | | |
|-----|--|----|
| (a) | गान्धीजीनि फासै मानो भुमा बोखथाव जादोंमोन ? | 12 |
| (b) | उदांसि मोननो थाखाय अहिंसाखौ गुबै राहालामा हिसाबै गान्धीजीआ मानो सान्दोंमोन ? | 12 |
| (c) | लिरगिरिनि बादिब्ला मानसि आरो जुनारनि गेजेराव मा फाराग नुनो मोनो ? | 12 |
| (d) | अहिंसाखौ भारताव मानो बाहायग्रोजेनदोंमोन ? | 12 |
| (e) | सोर Civil Disobedience नि सानस्रिसिम सौहैनो हायो ? | 12 |

Public Administration Optional Study Kit for UPSC Mains Exam



- 100% PUBLIC ADMINISTRATION Syllabus Covered
- Summary of Administrative Committees
- Gist of Selected Journals of IIPA
- Current Public Administration, A Monthly Magazine
- Online Coaching Access, Mind Maps etc

50% OFF
~~₹ 8,000/-~~
₹ 3,999/-
 100% SAFE

Call Us at: +91 7827687693, 9958790414

IAS EXAM PORTAL

What you will get:

- Public Administration (Paper I and Paper II) - Printed Reading Material
- Summary of Administrative Committees Recommendations
- Gist of Selected Journals of IIPA (Indian Institute of Public Administration, New Delhi) of last 25 years
- Current Public Administration, A Monthly Magazine (PDF Copy)
- List of Useful Diagrams and Charts
- **A booklet on Mind Maps on important topics of Public Administration**
- Strategy and Suggested Reading
- Overview of Main Linkages
- Free membership of online course of Public Administration
- Practice Papers for Public Administration Mains both papers
- 2 Model Answers for Public Administration Mains papers
- Solution of Public Administration Mains (Paper I & II)
- Telephonic support from Course Co-ordinator
- And much more.....

Price of the Kit:

Rs. 8,000

Rs. 3,999/-

(Limited time Offer)

 **Buy Online**



Net Banking

Order Online (100% Safe)

[Click here for Other Payment Options \(Cash/NEFT/etc\)](#)

FOR MORE DETAILS VISIT:

<http://iasexamportal.com/SK-115>

50% OFF

Q3. गाहायाव होनाय खोन्दोनिफ्राय थाम बाहागोनि से बाहागोजों मोनसे सुंदोब (Précis) लिर । सुंदोबखी नॉनि रावजों लिर । विमुं होनो नाडा :

60

दिनैनि गोदान सुबुंनियाव जारिमिन आरो समनि नेम खान्थि फोरनि सायाव जेसेबां गियाण दड एसेबां जानो हागौ आगोलाव बेबादि जेबो मुगायाव मोननो थाडा । गुबै ओंथियाव बुंनो थाडोब्ला बिखौ जारिमिनारि 'मानसि' बुडो । मोनसे बिथिजों जारिमिननि मोनदांथिति समानफ्राम ओंथिआ "गोदानथि" खो फोरमायो । गेजेर मुगायारि हारिमुबाव दोहोरोमा जेराव मिरू जायगा मोन बेयो लासै लासै उनफिन लांनानै जारिमिनजों गोरोबलांदोंमोन । मानसिया मिथिगानि गेजेराव थाडा नाथाइ बियो जारिमिननि कनटेक्स्ट (Context) यावसो थायो । बे बेलायाव, मोनफ्रोमबो जाथाया जाखांनाय (आगुनि) जाथायजों गोरोबा, जाय आथिखालाव जादों बेयो आगोलाव माब्लाबो जायाखै । मानसिनि लासै लासै जौगा बोनायनि गियाणखी गोदोनि गोकफोरा मिथिया आरो सिनायनो हायामोन । बेयो भारतारि ऋषिफोरनि थाखायबो बेबादिनो सिनायनो मोनै जानानै दडमोन । बेयो समनि जौगानाय महराव नडा, 'चक्र' (cyclic) महराव नोजोर होनायमोन । आगुबाव, 'दोरोडा' मानसि माहारिनि मोनसे बाहागोमाने आरो बेजोंमानासिया गावनि जिउ खान्थि (lifestyle) खौ दैदेननो । दा, जारिमिना मानसिनि इयुनखी थि खालामो आरो मानसिया दोरोंफोरखी नागिरनो थाखाय वै समाव थाफिननांगी जाबाय ।

नाथाइ बे बाथाया थार दि, दिनै जाय बादि जारिमिननि दबथायनाय (dominance) दड, बेयो आगुबाव माब्लाबाबो गैफेरामोन, बेबो सैथो दि मानसिया सम आरो जारिमिनखौ आंगायबाय । 19थि जौथायाव जारिमिन-सानस्रिया सारब्ब भौमित्य (sovereign) गोहोजों सानखांथि (idea) गोसारो जाय सुबुंनि मोन्थाय आरो जौगानायनि रादाबखी लाबोदोंमोन, बेयो जोंनि समसिम फैयै फैयै गावनिनो क्रुवेल पेरुंडी (Cruel Parody) याव महर लाफैनाय नुनो मोनबाय । इयुनखी थि खालामग्रा नेम, खान्थि, फरमुलाफोरा दाबो दड, नाथाइ बेनि सायाव 20थि जौथायनि उदखार आरो डिसइलूजनमेन्ट (disillusionment) होखारनाया जोबोर गोहोम दं दि बेयो इयुनाव बन्द खथायावबो माब्लाबाबो थिक जानो हाया । माबादि बे बिगियानारि, जुक्तिसास्त्र, गोगाथाव ओंथि गियाण, जायफोरा दिनै मानसिखी गावनो गावनिनो इयुन फार्से रैखाथि गैयै, थिउरिया आरो संखिनाय खालामनानै हगार हरबाय ?

बे नडा दि जॉ मानसि हारिनि इयुनि बागै जेबो मिथि थारा । दिनैनि गोदान मानसिया जारिमिनारि-सानसिजों थुलुंगाखानानै इयुनि जाथावथावफोरखौ कनसेप्ट्युअलाइजड (Conceptualized) खालामनानै बेनि जोहैनो इयुनि गासै स्पेक्ट्रम (Spectrum) नि नाइबिजिरसालि फसंनो हायो । नाथाइ बे इयुना आथिखालनि गिलु-बालु गिखंथावजों जेबो सोमोन्दो गैया, बबेखानि जों बुंनो हायो जे “जारिमिनारि इयुन” आ आथिखालनि गिखंथावनिफ्राय जॉखौ रैखा खालामनो सोराजिनाय । बेयो जेबो फारागथि खालामा थाखोगैथै गंसे समाजनि सिमां ना रबर्टफोरनि गंसे मेकानिकेल वर्ल्ड (Mechanical world) ! जॉ नंगुबै समाव थांनानै थायाखै नाथाइ जॉ सानबोलाउरियारि समावसो थांनानै दड आरो मोनसे गिथाव बिथिडा बेनो दि बे इयुन बिदिन्था दाहाराव, सुबुंनि थैसुला (mortality) आ आखुथाइखौ बोखारबाय मानोना सुबुडा गावनि थैनायखौ गिनानै इयुनि बुब्लियाव जायगा लानानै थाबाय ।

बेखौ गोदान मुगानि मोनसे पेराडॉक्स (Paradox) होत्रानै सानगोन जे, गुबुनफार्से, दिनैनि सुबुडा जारिमिनारि-सानसिजों बांद्राय बोनथुमजानाय, जेब्ला, बेराफार्सेथि, जारिमिननि जिउ दाहारा गावनो डेड पास्ट (dead past) आरो सानबोलाउरि इयुनि गोजेराव रानथेलांबाय । जेरैबादि गोजावलांनय सुबुडा दैजों सोमोन्दो लाखिनानै गावखौ फसंनो हाया, थिक बेबादि रोखोमनो, जाय सुबुडा जारिमिनजों बांद्राय बोनथुमजानाय बेबादि सुबुडा समनि गुबै (essence) खौ मिथिया । बियो जारिमिनजों गोहोम खोख्लैजानाय जानो हागी नाथाइ बियो गावनि जिउ आरो गोथी नि साखि जानो हाया । जारिमिना मा ओंथि दड बे बहुमाव जाय सुबुंनि साखि जानो हाया ! बेनो जाहोना मानो गोदान मानसिनि थाखाय जारिमिननि मोन्दांथिया खोमसि फोथायनायनि आयदा जाखो जेराव बियो आथिखालखौ गारनानै इयुनि ओंथिखौ नागिरनो गिदिं फिननाय नंलिया । नाथाइ आथिखालखौ एंगारनाया हाथाव ने ? आथिखाल मानसिनि मिरू बिन्दो नडा नामा, जेरावनिफ्राइ मानसिया गावनि थैसुलाब्लानो जारिमिननि बिखायाव जायगा आवजिं दों । गुबुन फार्से, बियो जारिमिनाव गोथाडै थांनो थायो ।

बिनि सोहैनांगौ थावनिया गावनि आंगोनि आगुवा गुदि (गुबै) ब्लाबो, मानसिनि गासिबो इयुनि बागै गियान होयो, जाय मानसिनि Doctrines जों सोमोन्दो (linked) थानायखौ जुदा जाथावखौ सोलायो ।

(517 सोदोब)

Q4. गाहायनि खोन्दोखौ इंराजियाव राव दानस्लाय :

20

गोदान मुगाया खारिथि (Information) आरो बिरोंदामिननि (Technology) नि मुगा । खारिथि आरो बिरोंदामिनआ बिगियाननि थिलियाव मोनसे गोनांशार दिहुनथाय जाय सुबुंहारिखौ गोमोथाव मावफुंथायनि जोहै माहाजोन खालामबाय । जोडो भुमनि जायखिजाया खनानिफ्राय दाबसे जायगायाव जिराइनानै बेफोर बादि बिगियानारि जन्त्रनि जोहै खौरां आजावनो हायो । बे खौरां आजावनाय खाबुवा गंनै हादरनि गेजेराव थानाय जान्थाइखौ फुसुंबाय । ऐरैबादि मोनो दि गासै भुमानो सेबनानै जौनि आखाय थारखायाव थाबाय । नडामोनब्ला, मुलुकनाडारि (Globalization) आरो मुलुकनां बिदा-फंबाय सान्नाय (Universal brotherhood) अंथिया (concepts) बिगियानारि जौगाथायनि मुगायाव जाखां बोगासिनो दड । जेब्ला लाइजाम दैथायनो थाखाय थि राहा गैयामोन बैफोर सानफोरखौ गोसोखां जायो । खौरां दै थायग्रा (messenger) नि हेफाजाबै हरलाय-लाबोलाय खालामनायमोन ।

बेयो जोबोर गोबां सम लायोमोन । दिनै बेखौ बुजिनो गोलैयै हाया माबादि गोब्राबमोन बैफोर समा ! समा सोलायबाय आरो गोदान आनजाद नायनायफोरा फारियै जागाय जेनगासिनो दड । पस्टेल, आरो टेलिग्राफ, टेलिफन आरो टेलिग्राफ राहाफोरा दावगाबाय । रादाबफोरखौ हांखोफोरनि गेजेरजों दैथाय हरनायमोन । जिउवा गोखैथिजों दाजानाय । रेडिअ' आरो टिलिभिजनआबो बेथिजाय दावगानायखौ गोखै खालामनानै होबाय । कम्पिउटार दिहुननायनिफ्राय मोनसे गोदान सोमावसारनाया खारिथि आरो बिरोंदामिनाव जागायजेनबाय । इन्टारनेट दिहुननायनि उनाव गासै कम्पिउटारफोरखौ गंसेजों गुबुन गंसे जराइनानै गोखै सुंजाबनायनि खाबु खालामबाय । गोदान सोलायनायफोरा खारिथिनि फोथाराव फैबाय आरो बावयैसोनि खौराडा जादों थियारियै आग्लाय-फिग्लाय । दिनै जायखिजाया गावनि दिहुनथायखौ भुमवि जेरावखिजाया आरो जेरावबो फोसावदिनो हायो । मानसिया दोरोडारि हाथियार बाहायालासे दावहा नांनो हायो । कम्पिउटार आरो इन्टारनेटफोरा फ्राय गासिबो न' आरो मावख'फोराव गोलैयै मोननो हायो जायनि गेजेरजों उरां जाहाज, रेलगारि, मटरगारि एबा सिनेमानि टिकेटफोरखौ गोलैयै बायनो (booked) हायो । रिजर्बिसन (reservation) खालामनायनि स्टेटास (status) खौबो नायनो हायो, लामानि ट्रफिक आरो अबस्थानि सोमोन्दै इन्टारनेट आरो म'बेलनि राहानि हेफाजाबै मिथिनो हानाय जाबाय, जों न'आव जिराइनानै गासिबो गोनांथि जानायफोरखौ बुंहरनो हायो । थार बिथिडाव बेयो बयनिखुइ बेसेन खमसिन जगा-जग आरो मिथिनायनि राहा ।

Q5. गाहायाव होनाय खोन्दोखी बर'वाव राव सोलाय :

20

Democracy stands much superior to any other form of government in promoting dignity and freedom of the individual. Every individual wants to receive respect from fellow beings. Often conflicts arise among individuals because some feel that they are not treated with due respect. The passion for respect and freedom are the basis of democracy. Democracies throughout the world have recognised this, at least in principle. This has been achieved in various degrees in various democracies. For societies which have been built for long on the basis of subordination and domination, it is not a simple matter to recognise that all individuals are equal.

Take the case of dignity of women. Most societies across the world were historically male dominated societies. Long struggles by women have created some sensitivity today that respect to and equal treatment of women are necessary ingredients of a democratic society. That does not mean that women are actually always treated with respect. But once the principle is recognised, it becomes easier for women to wage a struggle against what is now unacceptable legally and morally.

Q6. गाहायाव सॉलुफोरनि फिन ही :

10×4=40

(a) गाहायाव होनाय बाश्राफोरखौ मोनसे सोदोबजों फोरमाय :

2×5=10

(i) बर' फोरनि साहा लुनाय थाग्रा न' निमुं _____

(ii) जि सॉनायखौ बारस'थोब्ला मा जायो होननानै फोथायो _____

(iii) फिसा जानो रोडै हिनजावखौ मा बुडो _____

(iv) जौ सरग्रा आइजेंनि मुं _____

(v) खामखोन्दा बनखौ मा बुडो _____

(b) गाहायाव होनाय बाश्रा फान्दायफोरखौ ओंथि होनानै बाश्रा दा :

2×5=10

- (i) खरआव गं गोनां
- (ii) गुस्थि लोमै
- (iii) सालाइ रोजा
- (iv) ब्रिगुर रोजा
- (v) आखाइ गोलाव

(c) गाहायनि थाइजा दाजाबदाखौ बाहायनानै मोननै-मोननै बाश्रा दा :

2×5=10

- (i) -जाब
- (ii) -फु
- (iii) -सुला
- (iv) -थार
- (v) -साव

(d) गाहायाव होनाय बाश्राखौ गुवारै बेखेव :

5×2=10

- (i) आदारबो होयो नावद्रावो बुयो ।
- (ii) हासाव हाया हाब्रु जाया ।



UPSC PRINTED STUDY NOTES

Study Material for IAS (UPSC) General Studies Pre. Cum Mains (Combo)	English	CLICK HERE
UPSC - IAS PRE (GS+CSAT) Solved Papers & Test Series	English	CLICK HERE
UPSC सामान्य अध्ययन प्रारंभिक एवं मुख्य परीक्षा (Combo) Study Kit	Hindi	CLICK HERE
Study Material for IAS Prelims: GS Paper -1 + CSAT Paper-2	English	CLICK HERE
Study Kit for IAS (Pre) GENERAL STUDIES Paper-1 (GS)	English	CLICK HERE
Study Kit for IAS (Pre) CSAT Paper-2(Aptitude)	English	CLICK HERE
आई. ए. एस. (सामान्य अध्ययन) प्रारंभिक परीक्षा (पेपर -1 + पेपर -2)	हिन्दी	CLICK HERE
सामान्य अध्ययन (GS) प्रारंभिक परीक्षा (Pre) पेपर-1	हिन्दी	CLICK HERE
आई. ए. एस. (सी-सैट) प्रारंभिक परीक्षा पेपर -2	हिन्दी	CLICK HERE
Gist of NCERT Study Kit For UPSC Exams	English	CLICK HERE
यूपीएससी परीक्षा के लिए एनसीईआरटी अध्ययन सामग्री	हिन्दी	CLICK HERE
COMPLETE STUDY MATERIAL FOR IAS PRELIMS EXAM	English	CLICK HERE
COMPLETE STUDY MATERIAL FOR IAS PRE+MAINS+INTERVIEW EXAM	English	CLICK HERE
UPSC, IAS सिविल सेवा परीक्षा संपूर्ण अध्ययन सामग्री (प्रारंभिक, मुख्य, साक्षात्कार)	हिन्दी	CLICK HERE